

# ШАЛГЪ БОЛГЪНД ДӨРВХН

## ГЕКТАР ХАДНА

Сарпинск района, „Сарпинский“ совхоз малд хойр джил кўрх хот белддж авхин кергт 40 мингын гектар газрин агъуд Өвс хаддж авх зөвтә.

Өвс хадлгъна кōдлмшт бурдәмдж уга, Өвс хадлгъна цуг агрегатсиг прецепщикүдәр, трактористнрәр эс теткән учрар совхозд бәәх машидин 60 шалгъас зуг 30-35 шалгън Өвс хадлгънд орлцхас биш, наадк машиннь кōдлжәхш. Өвс хаддж, хурах Өдрә даалгъвран әрә гидж 30-35 процент кўргдж кўцәнә. Өвс хадлг машина шалгъ болгън Өдртән 12 гектар хадх зөвтә, болв Өдртән 3,5-4 гектарас давулдж хадджахмн уга.

Совхозин гардачнр болн партийи организац Өвс хадлгъна кōдлмшин зураг батлх цагтан, совхозд бәәх цуг эв-

аргъан болн кōрнъгән кўцдннь тоолдж диглсмн уга. Тер учрар, Өвс хадлгъна кōдлмш йир хашнъгар кегдджәнә. Өвс хадлгъна бригадст болн агрегатст кедж-кўцәх Өдрә даалгъвр эс Өгснә ашд, бригадс болн агрегатс кедү гектар Өвс Өдртән хаддж, хурадж, скирдлх кемджәгъән медцхәхш.

Өвс хадлгъна кōдлмшт йовх механизатормуд дунд социалистическ дōрдән эс кегдсн учрар, Өвс хадлгъна йовуднь йир хашнъ болджана. Тегәд КПСС-н Сарпинск райком болн района кўцәгч комитет эн совхозии Өвс хадлгъна йовудинь хәләдж, гарчах эндүсиг цаг тудәл уга чиклдж, олна малд хойр джил кўрх хот белддж авхин тōлә ноолдх кергтә.

В. АЛЕКСАНДРОВ.